

秦楚之际月表

史记

太史公读秦

二世。项氏。

楚之际

时天下未定、参错变化、不可以年纪、故列其月。

曰、初作难、发于陈涉、

一段。

虐戾灭

秦自项氏。

二段。

拨乱诛暴、平定海内、卒践帝祚、

同祚。

成于汉家。

祚、位也。○三段。三样写法。

五年

之间、号令三嬪、

同嬪。

自生民以来、未始有受命若斯之亟也。

三嬪、谓陈涉、项氏、汉高祖。○总承上三段作结。

昔虞夏之兴、积善累功数十年、德洽百姓、摄行政事、考之于天、然

后在位。

考之于天、即孟子所谓人归天与也。○一段。

汤武之王、乃由契后稷、修仁行义十余世、不期

而会孟津八百诸侯、犹以为未可、其后乃放弑。

会孟津二句、单言武王、举武以见汤耳。○二段。

秦起襄公、

章于文繆、献孝之后、稍以蚕食六国、百有余载、至始皇乃能并冠带

之伦。

章、显大也。○二段。○俱反上三段。数十年、十余世、百有余载、句中有眼。

以德若彼、

指四代。

用力如此、

指秦。

盖一统若斯之

难也。

总承上三段作结。

秦既称帝、患兵革不休、以有诸侯也、

倒句。

于是无尺土之封、

堕坏^怪、名城、销锋镝、的、鉏^{鉏、}鉏^{鉏、}豪杰、维万世之安。^{鉏、诛也。维、计度也。○另起一峰、然}

王迹之兴、起于闾巷、^{高祖起于亭长。}合从^{合从、}宗、讨伐、轶于三代、^{与豪杰并力攻秦、过于汤武之放弑。}乡^同向、秦

之禁、适足以资贤者为^去、驱除难^如字、耳。^{前言一统之难、高祖独五年而成帝业。盖由秦无尺土之封、败坏既极、适足以资助贤者、而为之驱除其所难耳。○一层。}

故愤发其所为天下雄、安在无土不王。^{无土不王、盖古语也。高祖愤发闾巷而成帝业、安在其为无土不王也。○二层。}此乃传之

所谓大圣乎、岂非天哉、岂非天哉。^{高祖或乃传之所谓大圣、故不可以常理拘、盖有天意存乎其间矣。○三层。}非大圣孰能当

此受命而帝者乎。^{若非大圣、孰能当此豪杰并争之日、独受天命而帝者乎。○四层。应受命二字作结。}

前三段一正、后三段一反、而归功于汉。以四层咏叹、无限委蛇、如黄河之水、百折百回、究未尝著一实笔、使读者自得之。最为深妙。